

Katrín Gísladóttir

Steinbogi í Reyðarfirði



Mynd 1.



Mynd 2.

Á fallegum morgni í október 2000 fór sjö manna hópur í gönguferð um fjalllendið norðan Reyðarfjarðar undir fararstjórn Kristins Þorsteinssonar á Eskifirði. Á þeim slóðum er að finna steinboga sem fararstjórinn og Árni Ragnarsson uppgötvuðu fyrir nokkrum árum. Það er skemmtilegt samræmi náttúrunnar að norðan Reyðarfjarðar eru þrír tindar með döllum á milli en Eskifjarðarmegin í sama fjalllendi eru einnig þrír tindar en með skálum á milli sem nefnast *Skot*. Hér eru myndir úr ferðinni og rekja þær ferðasöguna í gegnum ljósopið, en Katrín Gísladóttir segir söguna.

Mynd 1: Útsýni frá Berutindi

Norðan Reyðarfjarðar sjást þrír tindar. Þeir eru *Teigagerðistindur*, *Sómastaðatindur* og *Hólmatindur*. Tveir dalir skilja þessa tinda að, *Ljósárdalur* á milli Teigagerðistinds og Sómastaðatinds og *Grjótárdalur* á milli Sómastaðatinds og Hólmatinds.

Mynd 2: Af fjallsbrún ofan Eskifjarðarbæjar

Frá vinstri: *Hólmatindur*, *Skot*, *Miðaftanstindur*, *Skot* og *Kambfell*. Gengið var upp *Ljósárdal* upp innanverða hlíð Sómastaðatinds og komið fram á brúnir fyrir ofan svokölluð *Skot* Eskifjarðar megin.



Mynd 3.

Skot mynda skálar í fjallgarðinn vestan við Hólmatind.

Mynd 3: Af brúnum ofan Grjótárdals

Gengið var út með brúnum ofan Grjótárdals (til austurs) þar til við komið að mjórri brík sem liggur út á Hólmatind. Þar blasti Hólmatindurinn við sveipaður snjóslikju, líkast því að hveiti hafi verið strád yfir fjallið. Ekki var farið á Hólmatind að þessu sinni enda hafa félagarnir oft gengið á hann áður.

Mynd 4: Á Miðaftanstindi

Þegar hér var komið sögu var snúið við og haldið inn með brúnum (til vesturs) fyrir ofan Skot og gengið fram á Miðaftanstind (938 m) sem skilur að fyrr nefnt Skot og aðra „skál“ sem ber sama nafn. Af Miðaftanstindi sést til byggðarinnar á Eskifirði. Þaðan gengum við svo til vesturs meðfram Kambfelli (1012 m) og til suðurs út á Teigagerðistind. Þegar kemur út á enda Teigagerðistinds er gott útsýni bæði inn og út Reyðarfjörð og blasir byggðin við. Göngugarparnir eru f.v.: Friðný Ingólfssdóttir, Ágústa Garðarsdóttir, Katrín Gísladóttir, Álfheiður Hjaltadóttir (krýpur), Guðný Ragnarsdóttir og María Ragnarsdóttir.

Myndir 5 og 6: Steinboginn

Þar er steinboginn góði og stillti hópurinn sér upp til myndatöku á honum. Sér niður í Ljósárdal og út til Hólma í Reyðarfirði fjær.

Mynd 7: Áning undir Teigagerðistindi


Eftir gönguna á tindinn var áð undir honum áður en haldið var heim. Ljósárdalur fyrir ofan til hægri á myndinni.



Mynd 4.



Mynd 5.



Mynd 7.



Mynd 6.